

zhajiny zzaky e hajiny mishyty e timy zza e zza,
zzopa zzopa! Ppy mua ng ka uhy imiry e shumy ty myny
my ljanjy. Mir; miry ast ty zzovinja!! Po jo te nhy
hery.... po zza e zza. Kustu myny keshy nhy zza nge
ppy mosy gjegjinja e mosy ndienja ata ççy bara.
Kriety e timy ketty e stipiny nhy kjerre e ngarkuar
kury ddolaa he mosy jeshy mbi te dheu, zhoti iny ngy
kishy ddekury. Po u e ddi he namyty e time ngy myny
my zhany. Ah! Ki vetymy my vietety ty banja. Tri-
kuzhy, trikuzhy, ljidhymy kjahyny, virymy, njera
ççy kriety ngy vete nga nhy any e bie vetymy, bahety
kakjy izhi ççy ngy myny ruhety ppy mosy mozhinja ke-
ty zhamery te ruanjy. E ti, mishy ççy vietexy ppa krie-
ty jeççy buky ppy bustra; ti zhamery izhi ty vie-
teççy istipury nga kambyty e ljopyve. Ai ççy vietety
nga u, spirti ççy ngy ddesy, ty very ndany, ndany e
pra ndany te pisa, te ku zhiarri ast ma imathy, ku
ddiaxyty jany ma ty zhezha e ma ty ljigga, ku kany
briraty ma ty mbidexy e ma ty ddredhura, e iljidury
te nhy ggury, ma itrashy he myny jety, ty my kjenjy
my shumy ndany. Vetymy kustu, imalikuary si jamy,
myny pagguanja miry ata ççy bara,....ata ççy bara....
ççy bara.... he bara....bara.... ngy e mba menty,
ngy e mba menty..... Ah! e ddi ata ççy bara. Vrava
e stipa, spova e shita, njeriuny my ty miry he
gjithy, Zhotiny e Zhoterave.